



Broj: 01- *4728* /20
Sarajevo, 14.12.2020. godine

Na osnovu člana 17. Zakona o javnim nabavkama Bosne i Hercegovine („Službeni glasnik Bosne i Hercegovine” broj: 39/14), člana 136. Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20), člana 108. Statuta Univerziteta u Sarajevu, člana 11. Pravilnika o javnim nabavkama roba, usluga i radova Univerziteta u Sarajevu, broj: 02-17-1/19 i člana 6. Odluke Upravnog odbora Univerziteta u Sarajevu, broj: 02-19-3/20 od 14.04.2020. godine, dekan fakulteta po službenoj dužnosti donosi slijedeću:

O D L U K U

o dopuni V Plana javnih nabavki Fakulteta sporta i tjelesnog odgoja Univerziteta u Sarajevu za 2020. godinu.

I

Utvrđuje se dopuna Plana javnih nabavki Fakulteta sporta i tjelesnog odgoja Univerziteta u Sarajevu za 2020. godinu, kako slijedi:

- U poglavlju ROBE dodaje se novi predmet nabavki – tačka 36. – nabavka kompjuterske opreme, kao u tabeli koja se nalazi u prilogu i čini sastavni dio ove odluke.

II

Ova Odluka stupa na snagu danom donošenja, a bit će objavljena sa tabelom na Web stranici Fakulteta sporta i tjelesnog odgoja Univerziteta u Sarajevu, www.fasto.unsa.ba.

O b r a z l o ž e n j e

Odlukom Vijeća fakulteta, broj:01-441/20 od 05.02.2020. godine, utvrđen je prijedlog Plana nabavki Fakulteta za 2020. godinu. Odlukom Upravnog odbora Univerziteta u Sarajevu, broj 02-19-3/20 od 14.04.2020. godine, usvojen je Plan nabavki integrisanog Univerziteta u Sarajevu za 2020. godinu, čiji sastavni dio je Plan nabavki Fakulteta sporta i tjelesnog odgoja Univerziteta u Sarajevu broj:01-459-2/20, kao organizacione jedinice Univerziteta u Sarajevu. Dr. Denis Čaušević se obratio dekanu Fakulteta sa inicijativom, broj:01-4461/20 od 27.11.2020.godine za dopunu Plana javnih nabavki za 2020. godinu, sa nabavkom robe – kompjuterska oprema. Sredstva za predmetnu nabavku u iznosu od 1.000,00 KM su obezbijedena iz vlastitih sredstava, a što je svojim aktom, broj: 03-4490/20 od 02.12.2020. godine potvrdila Služba za finansije.

Članom 6. stav (1) Odluke Upravnog odbora Univerziteta u Sarajevu o usvajanju Plana javnih nabavki integrisanog Univerziteta u Sarajevu, broj:02-19-3/20 od 14.04.2020. godine, propisana je mogućnost izmjene i dopune Plana javnih nabavki organizacionih jedinica u skladu sa obezbijedenim finansijskim sredstvima.



Nadalje, stavom (4) člana 6. navedene Odluke utvrđeno je ovlaštenje rukovodioca organizacione jedinice da donosi posebnu odluku o izmjeni ili dopuni plana javnih nabavki za nabavke, čija pojedinačna vrijednost ne prelazi iznos utvrđen Statutom za čije korištenje je ovlašten rukovodilac organizacione jedinice Univerziteta u Sarajevu.

Imajući u vidu da pojedinačna procjenjena vrijednost predmetne nabavke ne prelazi iznos utvrđen Statutom za čije je korištenje ovlašten dekan Fakulteta, kao i da se predmetna nabavka nije mogla predvidjeti u vrijeme donošenja Plana javnih nabavki, obzirom da se kvar na pomenutoj opremi desio iznenada, donjeta je odluka kao u dispozitivu.

Akt priremila:
Senada Kovačević, dipl.eoc

Akt kontrolisala:
Vedrana Bijedić, MA prava

DEKAN
Prof.dr Haris Alić



Dostaviti:

- Dekan
- Komisija za javne nabavke
- Računovodstvo
- Sekretar
- Pravna služba
- Safet Rašinlić (za web)
- a/a

V Dopuna plana javnih nabavki Fakulteta sporta i tjelesnog odgoja za 2020. godinu

R.br	Predmet nabavke	Oznaka JRJN	Procijenjena vrijednost KM bez PDV-a	Vrsta postupka *	Okvirno vrijeme pokretanja postupka	Okvirno vrijeme realizacije ugovora/ okvirnog sporazuma	Pozicija u finansijskom planu (konto)	Iznos na kontu KM bez PDV-a	Izvor finansiranja
36.	Komputerska oprema	30230000-0	1.000	Direktni sporazum	IV kvartal	IV kvartal	812300	1.000	Vlastita sredstva
USLUGE									

DEKAN FAKULTETA

Prof. dr. Haris MFC. dekan



M.P. 2020
31.01.2020

Član 10. Zakon o javnim nabavkama Bosne i Hercegovine-Izuzetca od primjene odredbi Zakona

(1) Od primjene ovog zakona izuzimaju se:

- a) ugovor o javnoj nabavci koji je zakonomina u Bosni i Hercegovini proglašen državnom tajnom;
- b) ugovor o javnoj nabavci čije izvršenje zahtijeva posebne mjere sigurnosti, u skladu sa zakonomina u Bosni i Hercegovini;
- c) ugovor koji se dodjeljuje u skladu s međunarodnim sporazumom prema kojem se primjenjuje posebna procedura međunarodnih, kreditnih ili donatorskih aranžmana ili ugovor o javnoj nabavci koji je zaključen u skladu s posebnim pravilima definiranim međunarodnim ugovorom između Bosne i Hercegovine i jedne ili više država za projekte koje će ugovorne strane zajednički izvoditi ili koristiti, ili na osnovu međunarodnih sporazuma o stationiranju trupa koje zaključuju Bosna i Hercegovina;
- d) ugovor o javnoj nabavci prirodnih i zakonskih monopola, a koji mogu uključiti nabavku vode, električne energije, plina, toplotne energije i drugih usluga, do otvaranja relevantnog tržišta za konkurenciju;
- e) ugovor o kupovini ili zakupu postojećih zgrada, druge nepokretne imovine, zemljišta ili prava koja iz njih proističu, bilo kojim finansijskim sredstvima, uz obavezu ugovornog organa da osigura transparentnost te procedure, s tim što nabavka finansijskih usluga za kupovinu ili zakup postojećih zgrada, druge nepokretne imovine, zemljišta ili prava koja iz njih proističu, istovremeno, prije ili nakon ugovora o kupovini ili zakupu, u bilo kojem obliku, podliježe provođenju jednog od postupaka definiranih ovim zakonom;
- f) ugovor koji za predmet ima usluge iz Aneksa II. Dio C ovog zakona.

(2) Koncesioni ugovori dodjeljuju se u skladu sa zakonomina o koncesijama u Bosni i Hercegovini.

(3) Ugovori o javno-privatnom partnerstvu dodjeljuju se u skladu sa zakonskim propisima o javno-privatnom partnerstvu